



**SESOTHO A1 – STANDARD LEVEL – PAPER 1**  
**SOTHO A1 – NIVEAU MOYEN – ÉPREUVE 1**  
**SESOTHO A1 – NIVEL MEDIO – PRUEBA 1**

Thursday 13 May 2010 (afternoon)  
Jeudi 13 mai 2010 (après-midi)  
Jueves 13 de mayo de 2010 (tarde)

1 hour 30 minutes / 1 heure 30 minutes / 1 hora 30 minutos

---

**INSTRUCTIONS TO CANDIDATES**

- Do not open this examination paper until instructed to do so.
- Write a commentary on one passage only. It is not compulsory for you to respond directly to the guiding questions provided. However, you may use them if you wish.

**INSTRUCTIONS DESTINÉES AUX CANDIDATS**

- N'ouvrez pas cette épreuve avant d'y être autorisé(e).
- Rédigez un commentaire sur un seul des passages. Le commentaire ne doit pas nécessairement répondre aux questions d'orientation fournies. Vous pouvez toutefois les utiliser si vous le désirez.

**INSTRUCCIONES PARA LOS ALUMNOS**

- No abra esta prueba hasta que se lo autoricen.
- Escriba un comentario sobre un solo fragmento. No es obligatorio responder directamente a las preguntas que se ofrecen a modo de guía. Sin embargo, puede usarlas si lo desea.

*Ntša maikutlo a hau holim 'a e 'ngoe ea liqotsulo tsena.*

1.

**Thatano**

- Ke bone kharebe semomotela,  
Ea nkohela tšehlan'a Tebang,  
Ka khahloa, ea nkhapa, ka tsekelaka.  
Re bonane, ra tsebana;  
5 A nkahla, ka 'matla;  
Ra hapana.
- Ntšeliseng a utsoa pelo ea me!  
Ngoan'a Mohale o hlahetse Tebang,  
Thota-meli ke mo fumane a sila,  
10 Ngoan'a Tšolo ka ema ke iname;  
Ka oa mesifa ka fetoha seolo,  
Moea oa me oa tabohaka likoto;  
A fata mobu, mahloana a tabanya  
A tabanya a maphatšoana Mokoena,  
15 Sa likhobe pitseng ka hlanya kolu.
- Thaabe ea nkhitla ka hemeselaka,  
Lerato la Tšeli la koala 'metso,  
Mali a hoeshetsa methapong ea me.
- Ke bone cheche ka re ke Matšelisiso,  
20 E eme lipasha thope'a Tebang,  
Kharebe'a Tele'a Motaoane.  
Mahlong ho eena ho oa linaleli.
- O hanne lijo Tšeli a li fuoa,  
Pelo ea kokomoha ke ho habeha,  
25 A lla a tšeha: moea oa lerato;  
Pelo ea me e ikentse tomoso.
- Sieo ba hao Matšelisiso 'nake,  
Sieo ba hau ke metsu ea semana;  
Ha ke u bona holimo le phetlehe:  
30 Mangeloi a bine lihalaletso.
- Lerato lumela sejo se monate,  
U botsikinyane oa qabola,  
U thabisa u soabisaka machaba;  
U qhala u bokellaka meloko,  
35 U khoba u bo bo sarolla bophelo.  
U tsela e monate ea bautloani.

ZA Matšela, *Lesihla* (1974)

- Sengoli se atlehile hakae ho bontša matla a lerato le hona joang thothokisong ee?
- Sengoli se sebelisitse maqiti afe ho ka fetisa molaetsa oa sona?
- Ntša maikutlo a hau mabapi le maqiti a sebelisitsoeng a hapang babali thothokisong ena.

2.

Selloane eena ke motho ea joang hantle! Hang ha u qala u bua ka lithuto, o se a soaba nko ho feta molomo, u tla bona a se a halikisa mahlo sa ntja e noele mothoebe. Feela ha u ka bua ka bahlankana, u tla bona hlathe e lelekisa tsebe mofumahatsana. Homme, ha ho le motho ke matlakala tjee; ekare moshanyana ka sephoko.

5 Joale ebe o itšepisitse eng? Ha ho bua ka papali eba eena oa pele, ho sa tsotellehe hore na papali eo ke ea mofuta ofe.

Che, ha e le lebili lona oa le bona, ngoanana. Ha ba e akhela ho eena u ka bona ntho e sekama, e e kapa ka bokhabane. A tonose a be a behe letsoho phatleng ho otlela motea-phala tumeliso, a ntan’o e betsana. Khele! Thaka e kantle e tla mo tšela ka litlatse e n’e re:

10 “Mapiano – ‘Mapiano!’” Teng e be e be lentsoe le letenyanyana le chong, o palama ngoanana, a be a mo tlole holimo.

Nthonyana eo ba habo ba mo ratelang eona ke hore ba lireng ha ba ka e qhoaea, ba re ba leka ka maotong, eba o tla penya, ngoanan’a Moyeni, leoto a le betse holim’a theleli ea ngoanana, e be e thaphohe. Ea sa jeng hantle habo eena, ke tsietsi hobane ha a ka mo thula tse khunoana li phorosela hang ka masobana a linko.

15 U tsebe o teng hle motho enoa; ha a ka u lula holimo, ha u tsohe, le batho ha ba bone na u hokae.

Selemo sohle, Selloane, maikutlo a hae a papaling. Mohla li ngoloang, u tla bona ka boputsoanyana hore phalo e eme lesimela. Ntho e ka qopetsa, ea kokosa pene, ea akhela mahlo holimo marulelong. Kea kholoa o bile o tseba hore na maballo a sekolo sa rona a makae.

20 Ha e omme nkong, o boela a e qopetsa hape, a le kokose lesiba la batho. Ho tloha moo o tla etsa bo-‘mankhokhoane bao le eena mong’a bona ba mo qhalang, ha u ‘motsa bona. “Ke eng ee?” “Ha ke tsebe.” “U ne u ngola’ng?” “Ha ke tsebe.” “Joale ke mang ea lokelang ho tseba, Selloane?” “Ha ho motho.” A u qete joale.

25 Tsa tsamaea tsa qeta nako li le koana metakong. Ha li khutla, Selloane o re ka re o phetla lena leqephe la hae lebitso ha le eo. Hana ba bakae bo-Selloane le bo-Sello kolong se seng le se seng? Uena ha u eena?

MIR Moletsane & BN Pekeche, *Maqhetsoana a Potso-Nkarabe* (2002)

- Maikutlo a sengoli ke afe mabapi le Selloane?
- Sengoli se atlehile hakae ho hlalosa boinahano le maikutlo a Selloane?
- Sengoli se sebelisitse maqiti afe ho ka fetisa molaetsa oa sona?
- U ka re litaba tsee li u ama joang u le ‘mali?